

佛說梵網經



二百五
剋九

48816

西

西

佛說梵網經卷下 九

姚秦三藏法師 鳩摩羅什譯

菩薩心地品之下

余時盧舍那佛爲此大衆略開百千恒河沙不可說法門中心地如毛頭許是過去一切佛已說未來佛當說現在佛今說三世菩薩

已學當學今學我已百劫修行是心地者吾爲盧舍那汝諸佛子轉我所說與一切衆生開心地道時蓮華臺藏世界赫赫天光師子座上盧舍那佛放光光告千華上佛持我心

地法門品而去復轉爲千百億釋迦一切衆生次第說我上心地法門品汝等受持讀誦

一心而行。余時千華上佛千百億釋迦。從蓮華藏世界赫赫師子座起。各各辭退。舉身放不可思議光。光皆化無量佛。一時以無量青黃赤白華供養盧舍那佛。受持上所說心地法門。品竟。各各從此蓮華藏世界而沒沒。已入體性。虛空華光三昧。還本源世界。閻浮提菩提樹下。從體性虛空華光三昧出。出已。方坐金剛千光王座。及妙光堂。說十世界法門。海復從座起。至帝釋宮。說十住。復從座起。至欲天中。說十行。復從座起。至第四天中。說十迴向。復從座起。至化樂天。說十禪足。復從座起。至他化天。說十地。復至一禪中。說十金剛。復至二

禪中說十忍復至三禪中說十願復至四禪
中摩醯首羅天王宮說我本源蓮華藏世界
盧舍那佛所說心地法門品其餘千百億釋
迦亦復如是無二無別如賢劫品中說尔時
釋迦從初現蓮華藏世界東方來入天宮中
說魔受化經已下生南閻浮提迦夷羅國母

名摩耶父字白淨吾名悉達七歲出家三十
成道号吾為釋迦牟尼佛於寂滅道場坐金
剛華光座乃至摩醯首羅天王宮其中次第
十任處所說時佛觀諸大梵天王網羅幢因
為說無量世界猶如網孔一一世界各各不
同別異無量佛教門亦復如是吾今來此世

界八千反爲此娑婆世界坐金剛座乃至摩
醯首羅天王宮爲是中一切大衆略開心地
竟復從天王宮下至閻浮提菩提樹下爲此
地上一切衆生凡夫癡闇之人說我本盧舍
那佛心地中初發心中常所誦一戒光明
金剛寶戒是一切佛本源一切菩薩本源佛
性種子一切衆生皆有佛性一切意識色心
是情是心皆入佛性戒中當當常有因故有
當當常住法身如是十波羅提木又出於世
界是法戒是三世一切衆生頂戴受持吾今
當爲此大衆重說十無盡藏戒品是一切衆
生戒本源自性清淨

我今盧舍那

方坐蓮華臺

周匝千華上

復現千釋迦

一華百億國

一國一釋迦

各坐菩提樹

一時成佛道

如是千百億

盧舍那本身

千百億釋迦

各接微塵衆

俱來至我所

聽我誦佛戒

甘露門則開

是時千百億

還至本道場

各坐菩提樹

誦我本師戒

十重四十八

戒如明日月

亦如瓔珞珠

微塵菩薩衆

由是成正覺

是盧舍那誦

我亦如是誦

汝新學菩薩

頂戴受持戒

受持是戒已

轉授諸衆生

諦聽我正誦

佛法中戒藏

波羅提木叉

大衆心誦信

汝是當成佛

我是已成佛

常作如是信
戒品已具足
一切有心者

皆應攝佛戒
衆生受佛戒
即入諸佛位

位同大覺已
真是諸佛子
大衆皆恭敬

至心聽我誦

尔時釋迦牟尼佛初坐菩提樹下成無上覺

初結菩薩波羅提木叉孝順父母師僧三寶

孝順至道之法孝名爲戒亦名制止即佛口放無

量光明是時百万億大衆諸菩薩十八梵天

六欲天子十六大國王合掌至心聽佛誦一

切佛大乘戒告諸菩薩言我今半月半月自誦

諸佛法戒汝等一切發心菩薩亦誦乃至十

發趣十長養十金剛十地諸菩薩亦誦是故

戒光從口出有緣非無因故光光非青黃赤
白黑非色非心非有非無非無因果法是諸
佛之本源行菩薩之根本是大衆諸佛子之
根本是大衆諸佛子應受持應讀誦善學佛子
諦聽若受佛戒者國王王子百官宰相比丘
比丘尼十八梵天六欲天庶民黃門姪男姪
女奴婢八部鬼神金剛神畜生乃至變化人
但解法師語盡受得戒皆名第一清淨者佛
告諸佛子言有十重波羅提木又若受菩薩
戒不誦此戒者非菩薩非佛種子我亦如是
誦一切菩薩已學一切菩薩當學一切菩薩
今學我已略說波羅提木又相貌是事應當

學敬心奉持

佛告佛子若自殺教人殺方便讚歎殺見作
隨喜乃至呪殺殺業殺法殺因殺緣乃至一
切有命者不得故殺是菩薩應起常住慈悲
心孝順心方便救護而自恣心快意殺生是
菩薩波羅夷罪

若佛子自盜教人盜方便盜盜業盜法盜因
盜緣呪盜乃至鬼神有主物劫賊物一切財
物一針一草不得故盜而菩薩常生佛性孝
順心慈悲心常助一切人生福生樂而反更
盜人物是菩薩波羅夷罪
若佛子自姪教人姪乃至一切女人不得故

姪姪因姪業姪法姪緣乃至畜生女諸天鬼神女及非道行姪而菩薩應生孝順心救度一切衆生淨法與人而反更起一切人姪不擇畜生乃至母女姊妹六親行姪無慈悲心是菩薩波羅夷罪

若佛子自妄語教人妄語方便妄語妄語因妄語業妄語法妄語緣乃至不見言見見言不見身心妄語而菩薩常生正語亦生一切衆生正語正見而反更起一切衆生邪語邪見業是菩薩波羅夷罪

若佛子自酤酒教人酤酒酤酒因酤酒業酤酒法酤酒緣一切酒不得酤是酒起罪因緣

而菩薩應生一切衆生明達之慧而反更生
衆生顛倒心是菩薩波羅夷罪

若佛子口自說出家在家菩薩比丘比丘尼
罪過教人說罪過罪過因罪過業罪過法罪
過緣而菩薩聞外道惡人及二乘惡人說佛
法中非法非律常生悲心教化是惡人輩今
生大乘善信而菩薩反更自說佛法中罪過
是菩薩波羅夷罪

若佛子口自讚毀他亦教人自讚毀他毀他
因毀他業毀他法毀他緣而菩薩應代一切衆
生受加毀辱惡事自向己好事與他人若自
揚己德隱他人好事令他人受毀者是菩薩

波羅夷罪

若佛子自慳教人慳慳因慳業慳法慳緣而
菩薩見一切貧窮人來乞者隨前人所須一
切給與而菩薩惡心瞋心乃至不施一錢一
針一草有求法者不為說一句一偈一微塵
許法而反更罵辱是菩薩波羅夷罪

若佛子自瞋教人瞋瞋因瞋業瞋法瞋緣而
菩薩應生一切衆生中善根無諍之事常生
慈悲心而反更於一切衆生中乃至於非衆生
中以惡口罵辱加以手打及以刀仗意猶不
息前人求悔善言懺謝猶瞋不解是菩薩波
羅夷罪

若佛子自謗三寶教人謗三寶謗因謗業謗
法謗緣而菩薩見外道及以惡人一言謗佛
音聲如三百鉾刺心況口自謗不生信心孝
順心而反更助惡人邪見人謗是菩薩波羅
夷罪

善學諸人者是菩薩十波羅提木又應當學
於中不應一一犯如微塵許何況具足犯十
戒若有犯者不得現身發菩提心亦失國王
位轉輪王位亦失比丘比丘尼位亦失十發
趣十長養十金剛十地佛性常住妙果一切
皆墮三惡道中二劫三劫不聞父母三寶名
字以是不應一一犯汝等一切諸菩薩今學

當學已學是十戒應當學敬心奉持八万威儀品當廣明

佛告諸菩薩言已說十波羅提木叉竟四十八輕今當說

若佛子欲受國王位時受轉輪王位時百官受位時應先受菩薩戒一切鬼神救護王身

百官之身諸佛歡喜既得戒已生孝順心恭敬心見上座和上阿闍梨大德同學同見同行者應起承迎禮拜問訊而菩薩反生憍心癡心慢心瞋心不起承迎禮拜一一不如法供養以自賣身國城男女七寶百物而供給之若不尔者犯輕垢罪若佛子故飲酒而生酒過失無量若自身手

過酒器與人飲酒者五百卅無手何況自飲
不得教一切人飲及一切衆生飲酒況自飲
酒一切酒不得飲若故自飲教人飲犯輕垢罪
若佛子故食肉一切肉不得食斷大慈悲佛性
種子一切衆生見而捨去是故一切菩薩不得
食一切衆生肉食肉得無量罪若故食者犯
輕垢罪

若佛子不得食五辛大蒜葷葱慈蔥蘭葱興藁
是五種一切食中不得食故食者犯輕垢罪
若佛子見一切衆生犯八戒五戒十戒毀禁
七逆八難一切犯戒罪應教懺悔而菩薩不
教懺悔同住同僧利養而共布薩同一衆住

說戒而不舉其罪不教悔過者犯輕垢罪
若佛子見大乘法師大乘同學同見同行來
入僧坊舍宅城邑若百里千里來者即起迎來
送去禮拜供養日日三時供養日食三兩金
百味飲食牀座供事法師一切所須盡給與
之常請法師三時說法日日三時禮拜不生
瞋心患惱之心為法滅身請法不懈若不介
者犯輕垢罪

若佛子一切處有講法毗尼經律大宅舍中
講法處是新學菩薩應持經律卷至法師所聽
受諮問若山林樹下僧地房中一切說法處
悉至聽受若不至彼聽受者犯輕垢罪

若佛子心背大乘常住經律言非佛說而受持二乘聲聞外道惡見一切禁戒邪見經律者犯輕垢罪

若佛子見一切疾病人應供養如佛無異八福田中看病福田第一福田若父母師僧弟子病諸根不具百種病苦惱皆供養令差而菩薩以瞋恨心不看乃至僧房中城邑曠野山林道路中見病不救濟者犯輕垢罪

若佛子不得畜一切刀仗弓箭鉞斧鬪戰之具及惡羅網殺生之器一切不得畜而菩薩乃至殺父母尚不加報況殺一切衆生若故畜刀仗犯輕垢罪如是十戒應當學敬心奉

持下六品中廣開明

佛言佛子不得爲利養惡心故通國使命軍陣合會興師相伐殺無量衆生而菩薩尚不得入軍中往來況故作國賊若故作者犯輕垢罪

若佛子故販賣良人奴婢六畜市易棺槨板木盛死之具尚不故作況教人作犯輕垢罪若佛子以惡心無事謗他良人善人法師師僧國王貴人言犯七逆十重父母兄弟六親中應生孝順心慈悲心而反更加於逆害墮不如意處犯輕垢罪

若佛子以惡心故放大火燒山林曠野四月

乃至九月放火若燒他人家屋宅城邑僧房
田木及鬼神官物一切有主物不得故燒若
故燒者犯輕垢罪

若佛子自佛弟子及外道六親一切善知識
應一一教授持大乘經律教解義理使發菩
提心十發趣心十長養心十金剛心於三十

心中一一解其次第法用而菩薩以惡心瞋心
橫教二乘聲聞經律外道邪見論等犯輕垢罪
若佛子應好心先學大乘威儀經律廣開解
義味見後新學菩薩有百里千里來求大乘
經律應如法爲說一切苦行若燒身燒臂燒
指若不燒身臂指供養諸佛非出家菩薩乃至

餓虎狼口師子口中一切餓鬼悉應捨身肉
手足而供養之然後二次第為說正法使心開
意解而菩薩為利養故為名聞故應答不答倒說
經律文字無前無後謗三寶說犯輕垢罪
若佛子自為飲食錢財利養名譽故親近國
主王子大臣百官恃作形勢乞索打拍牽挽
橫取錢財一切求利名為惡求多求教他人
求都無慈心無孝順心犯輕以亦
若佛子應學十二部經誦戒日日六時持菩
薩戒解其義理佛性之性而菩薩不解一句
一偈戒律因緣詐言能解者即為自欺誑亦
欺誑他人一一不解一切法知而為他人作

師受戒者犯輕垢罪

若佛子以惡心故見持戒比丘手捉香爐行
菩薩行而鬪搆兩頭謗欺賢人無惡不造犯
輕垢罪

若佛子以慈心故行放生業應作是念一切
男子是我父一切女人是我母我生生無不
從之受生故六道衆生皆是我父母而殺而
食者即殺我父母亦殺我故身一切地水是我
我先身一切火風是我本體故常行放生業
生生受生若見世人殺畜生時應方便救護
解其苦難常教化講說菩薩戒救度衆生若
父母兄弟死亡之日請法師講菩薩戒經律

福資其亡者得見諸佛生人天上若不尔者
犯輕垢罪如是十戒應當學敬心奉持如滅
罪品中廣明一一戒

佛言佛子不得以瞋報瞋以打報打若殺父
母兄弟六親不得加報若國主爲他人殺者
亦不得加報殺生報生不順孝道尚不畜奴
婢打拍罵辱日日起三業口罪無量況故作
七逆之罪而出家菩薩無慈心報謝乃至六
親中故作報者犯輕垢罪

若佛子初始出家未有所解而自恃聰明有智
或高貴年宿或恃大姓高門大解大富饒財
七寶以此憍慢而不諮受先學法師經律其

法師者或小姓年少卑門貧窮諸根不具而實有德一切經律盡解而新學菩薩不得觀法師種姓而不來諮受法師第一義諦者犯輕垢罪

若佛子佛滅度後欲以好心受菩薩戒時於佛菩薩形像前自誓受戒當七日佛前懺悔得見好相便得戒若不得好相時以二十七三七乃至一年要得好相得好相已便得佛菩薩形像前受戒若不得好相雖佛像前受戒不得戒若現前先受菩薩戒法師前受戒時不須要見好相是法師師師相授故不須好相是以法師前受戒即得戒以生至重心故

便得戒若千里內無能授戒師得佛菩薩形
像前自誓受戒而要見好相若法師自倚解
經律大乘學戒與國王太子百官以為善友
而新學菩薩來問若經義律義輕心惡心慢
心不一一好答問者犯輕垢罪

若佛子有佛經律大乘法正見正性正法身
而不能勤學修集而捨七寶反學邪見二乘
外道俗典阿毗曇雜論書記是斷佛性障道
因緣非行菩薩道者故作犯輕垢罪

若佛子佛滅度後為說法主為僧房主為教
化主坐禪主行來主應生慈心善和鬪諍善
守三寶物莫無度用如自己已有而反亂眾鬪

諍恣心用三寶物犯輕垢罪

若佛子先住僧房中任又見客菩薩比丘來入僧房舍宅城邑國王宅舍中乃至夏坐安居處及大會中先住僧應迎來送去飲食供養房舍卧具繩牀木牀事事給與若無物應賣自身及男女身應割自身肉賣供給所須悉與之若有檀越主來請衆僧客僧有利養分僧房主應次第差客僧受請而先住僧獨受請而不差客僧僧房主得無量罪畜生無異非沙門非釋種性犯輕垢罪

若佛子一切不得受別請利養入已而此利養屬十方僧而別受請即取十方僧物入已

入福田中諸佛聖人一一師僧父母病人物
自己用故犯輕垢罪

若佛子有出家菩薩在家菩薩及一切檀越
請僧福田求願之時應入僧房間知事人今
欲請僧求願知事報言次第請者即得十方
賢聖僧而出人別請五百羅漢菩薩僧不如
僧次一凡夫僧若別請僧者是外道法七佛
無別請法不順孝道若故別請僧者犯輕垢罪
若佛子以惡心故為利養販賣男女色自手
作食自磨自舂占相男女解夢吉凶是男是
女呪術工巧調鷹方法和合百種毒藥千種毒
藥蛇毒生金銀蠱毒都無恣心犯輕垢罪

若佛子以惡心自身謗三寶詐現親附口便
說空行在有中為白衣通致男女交會姪色
縛著於六齋日年三長齋月作殺生劫盜破
齋犯戒者犯輕垢罪是十戒應當學敬心奉
持制戒品中廣解

佛言佛子佛滅度後惡世中若見外道一切
惡人劫賊賣佛菩薩父母形像販賣經律販
賣比丘比丘尼亦賣發心菩薩道人或為官
使與一切人作奴婢者而菩薩見是事已應
慈心方便救護處處教化取物贖佛菩薩形
像及比丘比丘尼一切經律若不贖者犯輕
垢罪

若佛子不得畜刀仗弓箭販賣輕稱小斗因
官形勢取人財物害心繫縛破壞成功長養
猫狸猪狗若故養者犯輕垢罪

若佛子以惡心故觀一切男女等鬪軍陣兵
鬪劫賊等鬪亦不得聽吹貝鼓角琴瑟箏笛
笙篴歌叫伎樂之聲不聽擣蒲圍碁波羅塞
戲彈碁六博拍毬擲石投壺牽道八道行成
爪鏡芝草楊枝鉢盂髑髏而作卜筮不作盜
賊使命一一不得作若故作者犯輕垢罪

若佛子護持禁戒行住坐卧日夜六時讀誦
是戒猶如金剛如帶持浮囊欲渡大海如草
繫比丘常生大乘信自知我是未成之佛諸

佛是已成之佛發菩提心念念不去心若起一念二乘外道心者犯輕垢罪

若佛子常應發一切願孝順父母師僧願得好師同學善知識常教我大乘經律十發趣十長養十金剛十地使我開解如法修行堅持佛戒寧捨身命念念不去心若一切菩薩不發是願者犯輕垢罪

若佛子發十大願已持佛禁戒作是願言寧以此身投熾然猛火大坑刀山終不毀犯三世諸佛經律與一切女人作不淨行復作是願寧以熱鐵羅網千重周帀纏身終不以破戒之身受於信心檀越一切衣服復作是願

寧以此口吞熱鐵丸及大流猛火經百千劫終
不以破戒之口食信心檀越百味飲食復作
是願寧以此身卧大猛火羅網熱鐵地上終
不以破戒之身受信心檀越百種床座復作
是願寧以此身受三百鉾刺身經一劫二劫終不
破戒之身受信心檀越百味醫藥復作是願寧以
此身投熱鐵鑊千劫終不以破戒之身受信
心檀越千種房舍屋宅園林田地復作是願
寧以鐵椎打碎此身從頭至足令如微塵終
不以此破戒之身受信心檀越恭敬禮拜復
作是願寧以百千熱鐵刀鉾挑其兩目終不
以破戒心視他好色復作是願寧以百千鐵

錐遍身撓刺耳根經一劫二劫終不以破戒
心聽好音聲復作是願寧以百千刃刀割去
其鼻終不以破戒心貪嗅諸香復作是願寧
以百千刃刀割斷其舌終不以破戒心食人
百味淨食復作是願寧以利斧斬斫其身終
不以破戒心貪著好觸復作是願願一切衆
生成佛菩薩若不發是願者犯輕垢罪
若佛子常應二時頭陀冬夏坐禪結夏安居
常用楊枝澡豆三衣瓶鉢坐具錫杖香爐漉
水囊手巾刀子火燧鑷子繩床經律佛像菩
薩形像而菩薩行頭陀時及遊方時行來百
里千里此十八種物常隨其身頭陀者從正

月十五日至三月十五日八月十五日至十月十五日是二時中十八種物常隨其身如鳥二翼若布薩日新學菩薩半月半月布薩誦十重四十八輕戒時於諸佛菩薩形像前誦一人布薩即一人誦若二及三人至百千人亦一人誦誦者高座聽者下坐各各披九條七條五條袈裟結夏安居一一如法若頭陀時莫入難處若國難惡王土地高下草木深邃師子虎狼水火風劫賊道路毒蛇一切難處悉不得入一切難處故頭陀行道乃至夏坐安居是諸難處亦不得入此難處況行頭陀者見難處而故入者犯輕垢罪

若佛子應如法次第坐先受戒者在而坐後受戒者在後坐不問老少比丘比丘尼貴人國王王子乃至黃門奴婢皆應先受戒者在而坐後受戒者次第而坐莫如外道癡人若老若少無前無後坐無次第兵奴之法我佛法中先者先坐後者後坐而菩薩不次第坐

犯輕垢罪

若佛子常應教化一切衆生建立僧房山林園田立作佛塔冬夏安居坐禪處所一切行道處皆應立之而菩薩應爲一切衆生講說大乘經律若病疾國難賊難父母兄弟和上阿闍梨亡滅之日及三七四七五七日亦講

大乘經律而齋會求福行來治生大火大水
焚漂黑風所吹舩舫江河大海羅刹之難亦
讀誦講說此經律乃至一切罪報三報八難
七逆相械枷鎖繫縛其身多婬多瞋多愚癡
多疾病皆應講此經律而新學菩薩若不介
者犯輕垢罪是九戒應當學敬心奉持梵壇

品當說

佛言佛子與人受戒時不得簡擇一切國王
王子大臣百官比丘比丘尼信男信女婬男
婬女十八梵六欲天無根二根黃門奴婢一
切鬼神盡得受戒應教身所著袈裟皆使壞
色與道相應皆染使青黃赤黑紫色一切染

衣乃至卧具盡以壞色身所著衣一切染色
若一切國土中國人所著衣服比丘皆應與
其國土衣服色異與俗服有異若欲受戒時
應問言現身不作七逆罪耶菩薩法師不得
與七逆人現身受戒七逆者出佛身而殺父
殺母殺和上殺阿闍梨破羯磨轉法輪僧殺
聖人若具七遮即身不得戒餘一切人得受
戒出家人法不向國王禮拜不向父母禮拜
六親不敬鬼神不禮拜但解法師語有百里
千里來求法者而菩薩法師以惡心瞋心而
不即與授一切衆生成犯輕垢罪
若佛子教化人起信心時菩薩與他人作教

戒法師者見欲受戒人應教請二師和上阿
闍梨二師應問言汝有七遮罪不若現身有
七遮師不應與受無七遮者得受若有犯十戒
者教懺悔在佛菩薩形像前日夜六時誦十
戒四十八輕戒告到禮三世千佛得見好相
者若一七日二三日乃至一年要見好相好
相者佛來摩頂見光華種種異相便得滅罪
若無好相雖懺無益是人現身亦不得戒而
得增長受戒善若犯四十八輕戒者對首懺
罪滅不同七遮而教戒師於是法中一一好
解若不解大乘經律若輕若重是非之相不
解第一義諦習種性長養性性種性不可壞

性道種性正法性其中多少觀行出入十禪
支一切行法一一不得此法中意而菩薩為
利養為名聞故惡求貪利弟子而詐現解一
切經律為供養故是自欺詐亦欺詐他人故與
人受戒者犯輕垢罪

若佛子不得為利養於未受菩薩戒者前外
道惡人前說此千佛大戒邪見人前亦不得
說除國王餘一切不得說是惡人輩不受佛
戒名為畜生生生不見三寶如木石無心名
為外道邪見人輩木頭無異而菩薩於是惡
人前說七佛教戒者犯輕垢罪
若佛子信心出家受佛正戒故起心毀犯聖

戒者不得受一切檀越供養亦不得國王地上行不得飲國王水五千大鬼常遮其前鬼言大賊入房舍城邑宅中鬼復常掃其腳跡一切世人罵言佛法中賊一切衆生眼不欲見犯戒之人畜生無異木頭無異若毀正戒者犯輕垢罪

若佛子常應一心受持讀誦大乘經律剥皮爲紙刺血爲墨以髓爲水析骨爲筆書寫佛戒木皮穀紙絹素竹帛亦應悉書持常以七寶無價香華一切雜寶爲箱囊盛經律卷若不如法供養者犯輕垢罪
若佛子常起大悲心若入一切城邑舍宅見

一切衆生應唱言汝等衆生盡應受三歸十戒
若見牛馬猪羊一切畜生應心念口言汝是
畜生發菩提心而菩薩入一切處山林川野
皆使一切衆生發菩提心是菩薩若不教化
衆生犯輕垢罪

若佛子常行教化起大悲心入檀越貴人家
一切衆中不得立爲白衣說法應白衣衆前
高座上坐法師比丘不得地立爲四衆白衣
說法若說法時法師高座香華供養四衆聽
者下座如敬孝順父母苟順師教如事火婆羅
門其說法者若不如法犯輕垢罪
若佛子皆以信心受戒者若國王太子百官

四部弟子自恃高貴破滅佛法戒律明作制
法制我四部弟子不聽出家行道亦復不聽
造立形像佛塔經律立統制衆安藉記僧比
丘菩薩地立白衣高座廣行非法如兵奴事
主而菩薩應受一切人供養而反爲官走使
非法非律若國王百官好心受佛戒者莫作
是破三寶之罪而故作破法者犯輕垢罪一
若佛子不以好心出家而爲名聞利養於國王
百官前說佛戒橫與比丘比丘尼菩薩弟子
繫縛如獄囚法兵奴之法如師子身中垂自
食師子肉非外道天魔能破若受佛戒者應
護佛戒如念一子如事父母不可毀破而菩

薩聞外道惡人以惡言謗佛戒時如三百鉞
刺心千刀萬杖打拍其身等無有異寧自
入地獄百劫而不一聞惡言破佛戒之聲況
自破佛戒教人破破法因緣亦無孝順之心
若故作者犯輕垢罪是九戒應當學敬心奉
持諸佛子是四十八輕戒汝等受持過去諸
菩薩已誦未來諸菩薩當誦現在諸菩薩今
誦佛子聽十戒四十八戒三世諸佛已誦當
誦今誦我今亦如是誦汝等一切大眾若國
王王子百官比丘比丘尼信男信女受持菩
薩戒者應受持讀誦解說書寫佛性常住戒
卷流通三世一切衆生化化不絕得見千佛

佛佛授手世世不墮惡道八難常生人道天
中我今在此樹下略開七佛法戒汝等當一
心學波羅提木又歡喜奉行如無相天王品
勸學中一一已明三千學者時坐聽者聞佛
自誦心心頂戴喜躍受持

尔時釋迦牟尼佛說上蓮華臺藏世界盧舍
那佛心地法門品中十無盡戒法品竟千百
億釋迦亦如是說從摩醯首羅天王宮至此
道樹下住處說法品爲一切菩薩不可說大
衆受持讀誦解說其義亦如是千百億世界
蓮華藏世界微塵世界一切佛心藏地藏戒
藏無量行願藏因果佛性常住藏如是一切

佛說無量一切法藏竟千百億世界中一切
衆生受持歡喜奉行若廣開心地相相如佛
華光王品中說

明人忍慧強

能持如是法

未成佛道間

安獲五種利

一者十方佛

愍念常守護

二者命終時

正見心歡喜

三者生生處

爲諍菩薩友

四者功德聚

戒度悉成就

五者今後世

性戒福慧滿

此是諸佛子

智者善思量

計我者相者

不能生是法

滅壽取證者

亦非下種處

欲長菩提苗

光明照世間

應當靜觀察

諸法真實相

不生亦不滅

不常復不斷

不一又不異

不來亦不去

如是一心中

方便勤莊嚴

菩薩所應作

應當次第學

於學於無學

勿生分別想

是名第一道

亦名摩訶衍

一切戲論惡

悉從是處滅

諸佛菩薩要若

悉由是處出

是故誦佛子

宜發大勇猛

於諸佛淨戒

護持如明珠

過去諸菩薩

已於是中學

未來者當學

現在者今學

此是佛行處

聖主所稱歎

我已隨順說

福德無量聚

迴已施衆生

共向一切智

願聞是法者

疾得成佛道

梵網經卷下

九

剋

鋒刺上音年下 蒜音 革葱下七紅反 菲薤音上

久下戶興藥下音 棺材上音 率挽下音 搆音上

古候自磨下音 春反書容 盪毒古上音 猫狸上音 一音

力之反吹貝下音 帶反博琴瑟下音 擄蒲居上反 毬六渠

反投壺下音 卜筮下音 椎直追 挑他彫 撓助

反灑鹿音 燧音 鑷居 邃私 舩舫下音 鎖鑿威助

二同蘇剥必角 折骨上先

